



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

106. Justitiæ & æquitatis &c. Indultum Fratribus Missionariis Ordinis  
Minorum Sancti Francisci de observantia Reformatorem nuncupatorum  
concessum, ut post servitium, seu Ministerium in Missione ...

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)



pacificè frui, potiri, & gaudere: Non permit- tentes eorum aliquem desuper per locorum Or- dinarios, seu alios quoscumque quomodolibet indebitè molestari, perturbari, & inquietari, Contradictores quoslibet, & rebelles per sen- tentias, censuras, pœnas Ecclesiasticas, ac etiam pecunarias illorum arbitrio imponendas, & applicandas pœnas, aliæque opportuna juris remedia, appellatione postpositâ, compescendo, ac censuras, & pœnas prædictas, legitimis su- per his habendis servatis processibus, etiam ite- ratis vicibus aggravando, & reaggravando, in- vocato etiam ad hoc, si opus fuerit, auxilio brachii secularis.

Derogat qui- buscumque contrariis.

§. 30. Non obstantibus omnibus, & singulis, quæ præfatus Clemens Prædecessor in præ- dictis suis literis decrevit non obstare, quæ Nos pariter, ac iterum non obstare decernimus, & mandamus, quibus omnibus, quoad ea, quæ præsentibus adversantur, illis aliâ in suo ro- bore permanfuris, ad præmissorum effectum ha- rum ferie specialiter, expresse, ac amplissimè, scientiâ, deliberatione, & potestatis plenitudine paribus derogamus & derogatum esse volumus, cæterisque contrariis quibuscumque.

Mandat fi- dem adhiberi transumptis.

§. 31. Volumus autem, ut ipsarum præsen- tium literarum transumptis, seu exemplis, etiam impressis, manu alicujus Notarii publici subscrip- tis, & sigillo Personæ in Ecclesiasticâ Dignitate constitutæ munitis eadem prorsus fides tam in judicio, quàm extra illud, ubique ab omnibus habeatur, quæ eisdem præsentibus haberetur si forent, exhibitæ, vel ostensæ.

Sanctio pe- nalis.

§. 32. Nulli ergo omninò hominum liceat pa- ginam hanc nostrarum approbationis, confirma- tionis, statuti, Decretorum, Ordinationis, vol- untatis, sanctionis, Decreti, Mandati, & de- rogationis infringere, vel ei ausu temerario con- traire. Si quis autem hoc attentare præsumpserit, indignationem Omnipotentis Dei, ac Bea- torum Petri, & Pauli Apostolorum ejus se noverit incursum. Dat. Romæ apud S. Petrum Anno Incarnationis Dominicæ millesimo septin- gentesimo vigesimo primo, v. Idus Maii Pon- tificatus nostri Anno Primo.

P. Card. Prodaturus. F. Card. Oliverius.

Visa de Curia I. C. Archiep. Amafenus.

L. Martinectus.

*Quæ sequuntur, sex Brevia, & unica Bulla extra temporis ordinem posita sunt, quoniam ad Collectoris manus serò nimis pervenerunt, postquam scilicet ne- dum reliqua omnia Brevia, & Bullæ, verùm etiam plura secundæ Partis Operis folia typis im- pressa jam fuerant, adeoque congruus illis, justus- que inter alia locus assignari non potuit. Satiùs porrò visum est eadem septem Diplomata hic ut- cumque inserere, ut P. steris nota fiant, quàm ea cum Eruditorum querela à præsentì Collectiõne prorsus excludere, atque silentio præterire.*

INDULTUM

Fratribus Missionariis Ordinis Minorum Sancti Francisci de Observantiâ Reformatorum nuncupatorum concessum, ut post servitum, seu ministerium in Missione Æthiopiæ per duode- cim annos Sacræ Congregationi Propagandæ Fidei laudabiliter præstitum, si ad suas pro- prias dicti Ordinis Provincias redire velint, re- versi omnibus privilegiis, & prærogativis, qui- bus Fratres ejusdem Ordinis, qui Ministri Pro- vinciales fuerunt, fruuntur, & gaudent, frui, & gaudere possint, ita ut inter ipsos, & alios Exprovinciales servetur æqualitas, & quoad præcedentiam sola Paternitatis prioritas, seu anterioritas attendatur.

CLEMENS PAPA XI.

Ad futuram rei memoriam.

Utilitæ, & æquitatis ratio postulat, ut Operarii in Vineâ Domini strenuè, utiliterque laborantes præmiis, & honoribus decorentur, quibus, & ipsi ad constanter in suis laboribus persistendum, & alii ad ejusmodi labores alacriter subeundos stimulentur. Cùm itaque (sicut accepimus) Fratres Missionarii Ordinis Minorum Sancti Francisci de Observantiâ Reformatorum nuncupatorum in Æ- thiopiam pro tempore deputati, sive illuc ex Euro- pâ se conferendo propter itinerum per aspera, & deserta loca, montesque agendorum difficul- tates, & pericula, sive ibi commorando, prop- ter immodicos illarum Regionum calores, & di- versi climatis, ciborumque insalubrium qualita- tes eorum naturæ contrarias maximos labores sustineant: Quo verò eorum animi ponderi non succumbant, & in susceptis pro Catholicæ Fidei, Christianæque Religionis propagatione laboribus hujusmodi confirmetur, & defessis, seu merce- dem emeritis novi semper, & alacres strenui- que Operarii succedant, spe alicujus honoris & præmii sublevandi, & excitandi sint. Hinc est quod Nos ex commissa Nobis cœlitus dispensa- tionis munere illorum honorificentiam consulere volentes de nonnullorum ex Venerabilibus Fra- tribus nostris S. R. E. Cardinalibus Congregatio- nis negotiis Propagandæ Fidei præpositæ super re- bus Æthiopiæ specialiter deputatorum consilio, ac Motu proprio, & ex certâ scientiâ, & maturâ deliberatione nostris, deque Apostolicæ potestatis plenitudine, dictis Fratribus Missionariis, ut post servitum, seu ministerium in Missione Æthiopiæ per duodecim annos dictæ Congregationi Cardin- alium perseveranter, & laudabiliter præstitum, si ad suas proprias dicti Ordinis Provincias redire voluerint, reversi omnibus, & singulis privi- legiis, prærogativis, præminentibus, & præce- dentiis, quibus Fratres dicti Ordinis, qui Mi- nistri Provinciales fuerunt, tam de jure, usu, & consuetudine, quàm alias quomodolibet utun- tur, fruuntur, & gaudent, ac uti, frui, & gau- dere possunt, & poterunt in futurum, pari mo- do, & absque ullâ prorsus differentiâ uti, frui, & gaudere liberè, & licitè possint, & valeant in omnibus, & per omnia, perinde ac si Provincia- latus munere perfuncti fuissent, ita ut inter ipsos Fratres Missionarios, ac Exprovinciales servetur æqualitas, & quoad ordinem præcedentiæ sola prioritas, sive antiquitas Paternitatis attendatur, tenore præsentium, concedimus, & indulgemus. Decernentes easdem præsentibus literas semper firmas, validas, & efficaces existere, & fore suos- que plenarios, & integros effectus sortiri & obtinere, ac illis ad quos spectat, & pro tempore spectabit,



